

【國家社會科學基金重大項目】

何建明 主編

中國地方志
佛道教文獻匯纂

寺
觀
卷

(166)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

寺觀卷

（116）



國家圖書館出版社

中國地方志佛道教文獻匯纂·寺觀卷

浙江省 杭州市

錢塘縣志補

清·吳允嘉纂修

清嘉慶間纂抄本

雜紀

佛日淨慧禪寺在桐扣黃鶴峯下寺中有池上有澄
注泉東坡先生嘗賦五絕句所謂細泉咽石走金沙
者堂上留題今既百年而詩僧慧舉乃謀入石可謂
好事矣桐扣以張華詩名俗云桐扣非也月益公跋
淨慧寺東坡題名

杭州昭慶寺每年三月開戒壇為天下僧人受戒之
所故名曰萬善戒壇嘉靖三十五年倭寇臨北關都
御史李天龍焚之乃五月六日也不數年總制胡宗
憲重建煥然勝昔隆慶三年己巳閏六月六日戊時

為雷火所焚

重陽菴在吳山之東人多不知其所取義今南山地名道姑灣掘土五六尺即見菴基磚瓦無恙且有假山皆太湖佳石土人云重陽女菴也與地名道姑灣相合城中重陽菴郡志不載其故而名雖但有元天師廣微子所書大重陽菴字則此或下院也但重陽之名不見於宋或曰始于元大德年間或曰重陽女乃宋高宗二宮人出家於此蓋建大院也此亦臆說按道書言上為陽而清人為陽故曰重陽

東明寺在錢塘安溪去吾鄉不二十里相傳建文帝

為僧曾居此寺舊廟制如樓與人家頗異按東明寺
禪師所建今佛座前塑建文君像以當舊殿牌殿為
無要殿及近前壯壯歲發千花云俱是建文君遺跡
也

西湖法相寺中藏一異齒其大如拳正碧綠色透明
小僧云是佛牙以誘婦女奉禮視獲利也其狀如龍
牙想是西域異獸口中者以上十一則俱日子龍留
青日北

中國地方志佛道教文獻匯纂·寺觀卷
浙江省 杭州市

錢塘遺事

元·劉一清纂

清光緒十三年（一八八七）《武林掌故叢編》刻本

錢塘遺事卷之一

武陵 劉一清 編

顯慶寺

臨安靈隱淨慈上中下三天竺寺皆宋朝祖宗功德寺也淳祐庚戌爲貴妃閻氏建功德寺于九里松近靈隱寺前名顯慶寺土木之工過于諸寺時人名之曰賽靈隱寺成建大鼓于法堂忽有人掩入不備大書鼓上云淨慈靈隱三天竺不似閻妃兩片皮由此界限甚嚴無故者不得復入矣

三天竺

上中下天竺三寺相連其山門與靈隱共入扁曰靈
隱天竺之門惟上天竺係觀音坐正殿勅賜號靈感
臨安祈禱則迎奉之有勅賜寶廚頂絡諸寶飾其上
有兩珠一赤一白名日月珠又有白黑相間如棗核
樣名鬼谷珠又一大珠名珠母又一大珠名貓兒眼
睛每遇迎奉則加此飾亦曾迎入大內祈禱焉

淨慈寺羅漢

淨慈寺乃祖宗功德院側有五百羅漢別創一田字
殿安頓裝塑雄偉殿中有千手眼觀音一位尤精緻
其第四百四十二位阿涇毘尊者獨設一龕用黃羅
幙之旁置籤筒其羅漢像則偃蹇便腹斜目覷人而

笑臨安婦人祈嗣者必詣此炷香默禱以手摩其腹
云有感應積日既久羣手加于泥粉之上其腹黑光
可鑒邪說誣民如此哉又假此爲鈔題之端哀斂民
財尤不可勝計其無忌憚甚矣

中國地方志佛道教文獻匯纂·寺觀卷

浙江省 杭州市

仁和縣志

明·沈朝宣撰 明嘉靖二十八年（一五四九）修
清光緒十九年（一八九三）《武林掌故叢編》刻本

仁和縣志卷十一

湖廣江陵縣知縣致仕仁和沈朝宣纂著

寺觀

自佛老之教興而世之爲僧道者日益以眾寺觀之設所以居若人也然吾杭之寺觀獨甲於海內者蓋以東南財賦之地杭號繁華游手游食者易相彙集別自五季以來錢氏據有兩浙宋高宗南渡之後世積承平一時惑於其說或欲遠延香火或欲懋建功德寺觀之多此其故也豈知蠹財耗國莫此爲甚惟我

太祖高皇帝用夏變夷之初非不欲一洗空之奈何
積久弊深一時難革況先時恩給土田其稅糧無
從抵辦是以姑准存之期漸消之數當是時乃察
宇限名因人給曝於九私度有刑私祿有禁或又
聯其散落而歸併叢林其將不革而自泯矣仁祖
解處東隅無甚名山勝境其寺與觀什惟二三僧
未免種類存也爲是乃志寺觀

城內寺觀

僊林慈恩普濟教寺在安國坊先是唐顯慶初高
宗痛慈闈生有劬勞乃建慈恩寺以報之寺在

汴京命基法師主領其徒洪濟獨得師傳建炎
時扈駕南渡駐錫武林乃就安國坊橋東卜金
僊氏之居以爲弘教授法因號僊林隨築戒壇
紹興二十三年具奏請額敕賜僊林後孝宗踐
祚扁賜隆興萬善戒壇理宗改額僊林慈恩普
濟敎寺清寧三年賜飛天法輪寶藏額并御書
鐘銘元至正癸未延燎復建通判徽州軍事金
應桂撰碑記張氏以寺爲軍器局洪武四年有
司改建鐘樓爲郡城禁鐘立僧綱司治每歲迎
春及祈禱晴雨咸有事於此舊有宋理宗鐘銘

又宋賈侍制汝舟所撰寺碑尙存

理宗鐘銘

大塊鑿鑿震薄蓋與脊此洪鐘以寶出處衆統其角十分其鼓豈有鑄此

收金鑄

禹博大開釋厚薄知勻上開天闢下

徹地垠乃

警警職乃割昏曉客爾有聞孰不

心皎以爲有聲匪撞不鳴以爲無聲如雷如霆作鎮梵官法音無際聲我神皋萬有千禩

大中祥符律寺在祥符橋梁大同二年邑人鮑侃

捨宅爲寺舊名發心唐貞觀中改眾善神龍元

年改中興後改龍興宋大中祥符初改是額寺

基廣袤九里其子院有千佛諸天二閣而戒壇

又別有院有鐵塔一青石塔二小石塔二及錢

王所鑿九十九眼井寺乃靈芝大智律師受經